



Noah un de groote Äwaschwamunk
 Eene Jeschicht von en daut Wuat Gottes,
 de Bibel
 finjt eena en
 1. Mose 6-10
 "Wan dien Wuat openboat woat,
 jeft daut Licht." Psalm 119:130

Jeschräwen von Edward Hughes
 Jemolt von Byron Unger un Lazarus
 Äwasat von Ed Zacharias
 Toom Pauss jestalt von M. Maillot un Tammy S.
 Story 3 of 60
 M1914.org
 Bible for Children, PO Box 3, Winnipeg MB R3C 2G1 Canada
 Jesazlich: Du doascht dise Jeschicht oppnämen ooda drekjen,
 soo lang aus du dee nich vekjafst.

Gott weet daut wie schljachtet jedonen haben, waut hee Sind nant. De Strof fa Sind es de Doot.
Gott es ons soo goot daut hee sien Sän Jesus schekjt, daut hee fa ons aum Kjriez storf un onse Schult betold. **Jesus stunt vom Doot opp** un es trigj nom Himmel jefoaren! Nu kaun Gott ons onse Sind vejäwen.
Wan du von diene Sinden west wajchdreien, dan saj dit to Gott: Leewa Gott, ekj jleew Jesus es fa mie jestorwen un daut hee nu wada läft. Komm en mien Läwen un vejeff miene Sinden, soo daut ekj nu kaun nieet Läwen haben, un noch emol opp emma no die komen. Halp mie fa die to läwen aus dien Kjint. Amen. Johannes 3:16
Lass de Bibel un räd jieda Dach met Gott!

Plautdietsch Low German
 Noah wia een Maun dee Gott aanbäden deed. Aule andre hauden Hot fa Gott un wieren am onjehuarsom. Een Dach säd Gott waut sea growet.
 "Ekj well de schljachte Welt vedoawen," säd Gott to Noah. "Bloos diene Famielje woä ekj raden."
 1 2





Gott woarnd Noah daut doa eene groote Äwaschwamunk komen wudd un de Ieed bedakjen. Gott säd to Noah, "Bu een grootet Schepp. Soo groot, daut diene Tieren doa nenkjennen." Gott säd krakjt woo hee daut buen sull, un Noah funk aun to buen!

3



De Lied woaren Noah veleicht utjelacht haben, aus hee säd wuarom hee daut Schepp bud, oba


Noah bud wieda. Hee vetald de Lied uk von Gott, oba doa horchten see nich no.

4



Noah haud eenen stoakjen Gloowen. Hee jleewd Gott, uk wan daut ea noch nich jerääjnt haud. Boott wia daut Schepp reed fa waut see metnämnen wullen.

5




Dan kjeemen de Tieren. Gott brocht säwen von eenje, un twee von aundre. Groote un kjiene Väajel, kort-beenje un lank-beenje Tieren, fungen dän Wajch no daut Schepp.

6



Veleicht haben de Lied Beleidjungen no Noah jeschrääjen, aus hee de Tieren nenn neem. See hieeden nich opp met ääre Sinden jäänen Gott. See fruagen nich no metfoaren en daut Schepp.

7




Schliesslich wieren aule Tieren un Väajel oppem Schepp. Dan säd Gott to Noah, "Komm em Schepp! Du un diene Famielje."

8



Noah, siene Fru, siene dree Säns un ääre Frues jinjen oppem Schepp. Dan schloot Gott de Dää too!

9



Dan funk daut aun to räajnen. Daut plenjäd Dach un Nacht, fa 40 Doag.

10



De Darpa un de Städa veschwungen unja Wota. Aus de Rääjen opphieed, wieren soogoa de Boaj unja Wota.

11



Aus daut Wota hecha kjeem, schwomp daut Schepp fein. Daut es doa veleicht diesta bennen jewast, veleicht haft daut jeschockelt, veleicht enjsten de Lied sikj. Oba em Schepp wieren Noah un de aundre secha.

12




De Äwaschwamunk dieed fief Moonat, dan schekjt Gott eenen driejejen Wint. Met de Tiet sad sikj daut Schepp opp eenen huagen Boajch en Ararat.

13



Noah bleef noch 40 Doag em Schepp, aus daut Wota läaja un läaja jinkj.

14



Noah leet eene Krauj un eene Duw utem Fensta rut flieejen. Wiels see kjeene reine driejeje Städ funk, kjeem de Duw trigj no Noah.

15



Eene Wääkj lota leet Noah wada de Duw rut. Ditmol kjeem see trigj met een Blaut von eenen Oliewen Boom em Schnowel. Noch eene Wääkj lota wist Noah daut de Ieed drieech wia, wiels de Duw kjeem nich trigj.

16



Gott säd Noah daut et Tiet wia utem Schepp to gonen. Aulatoop brochten Noah un siene Famielje de Tieren rut.

17



Noah mott sikj sea jefreit haben! Nu bud hee eenen Aultoa un bäd Gott aun, dee am un siene Famielje von de groote Äwaschwamunk jerat haud.

18